

tui Deus, et ostende eis viam bonam, per quam ambulent, et da gloriam in loco isto. *℞.* Qui regis Israel intende, qui deducis velut ovem Joseph, qui sedes super Cherubim. — Dimitte.

Lectio v.

Qualiter ergo David regum piissimus amplificaverit cultum Dei, et templum Domino aedificare voluerit, sed propter multum sanguinem quem effuderat, prohibitus est, et ipse colligerat expensas : Salomon quoque filius ejus idipsum, quod ipse facere optaverat, jubente et auxiliante Deo, perfecit, et templum cum altari, et reliqua ad divinum cultum peragendum consecravit : in libro Regum legitur. Fecit ergo Salomon in tempore illo festivitatem celebrem, et omnis Israel cum eo, multitudo magna ab introitu Emath usque ad rivum Aegypti, coram Domino Deo nostro septem diebus, et septem diebus, id est, quatuordecim diebus et in die octava dimisit populos.

℞. O quam metuendus est locus iste : * Vere non

est hic aliud, nisi domus Dei, et porta caeli. *℞.* Haec est domus Domini firmiter aedificata, bene fundata est supra firmam petram. — Vere non est.

De Consec. dist. i. cap. xvij.

Lectio vij.

Solemnitates dedicationum ecclesiarum et sacerdotum, per singulos annos solemniter sunt celebrandae, ipso Domino exemplum dante, qui ad festum dedicationis templi, omnibus id faciendum dans formam, cum reliquis populis eandem festivitatem celebraturus venit, sicut scriptum est : Facta sunt Encenia in Jerusalem, et hiems erat, et ambulabat Jesus in templo in porticu Salomonis. Quod autem octo diebus Encenia sint celebranda, in libro Regum peracta dedicatione templi, reperietis.

℞. Mane surgens Jacob erigebat lapidem in titulum, fundens oleum desuper, votum vovit Domino : * Vere locus iste sanctus est, et ego nesciebam. *℞.* Cumque evigilasset Jacob de somno, ait. — Vere. Gloria Patri. Vere.



In Festis B. Mariae Virginis

PER ANNUM.

IN I. VESPERIS.

Añ. Dum esset Rex * in accubitu suo, nardus mea dedit odorem suavitatis.

Psalmus cxj.

Dixit Dominus Domino meo : * Sede a dextris meis :

Donec ponam inimicos tuos, * scabellum pedum tuorum.

Virgam virtutis tuae emittet Dominus ex Sion : * dominare in medio inimicorum tuorum.

Tecum principium in die virtutis tuae in splendoribus sanctorum : * ex utero ante luciferum genui te.

Juravit Dominus, et non poenitebit eum : * Tu es sacerdos in aeternum secundum ordinem Melchisedech.

Dominus a dextris tuis, * confrigit in die irae suae reges.

Judicabit in nationibus, implebit ruinas : * conquassabit capita in terra multorum.

De torrente in via bibet : * propterea exaltabit caput.

Añ. Dum esset Rex in accubitu suo, nardus mea dedit odorem suavitatis.

Añ. Laeva ejus * sub capite meo, et dextera illius amplexabitur me.

Psalmus cxij.

Laudate pueri Domini : * laudate nomen Domini.

Sit nomen Domini benedictum, * ex hoc nunc, et usque in saeculum.

A solis ortu usque ad occidendum ordinem Melchisedech, * laudabile nomen Domini.

Excelsus super omnes Gentes Dominus, * et super caelos gloria ejus.

Quis sicut Dominus Deus noster, qui in altis habitat, * et humilia respicit in caelo et in terra?

Suscitans a terra inopem, * et de stercore erigens pauperem :

Ut collocet eum cum principibus, * cum principibus populi sui.

Qui habitare facit sterilem in domo, * matrem filiorum laetantem.

Añā. Laeva ejus sub capite meo, et dextera illius amplexabitur me.

Añā. Nigra sum, * sed formosa, filiae Jerusalem : ideo dilexit me Rex, et introduxit me in cubiculum suum.

Psalmus cxxi.

Lætatus sum in his, quæ dicta sunt mihi : * In domum Domini ibimus.

Stantes erant pedes nostri, * in atriis tuis Jerusalem.

Jerusalem, quæ aedificatur ut civitas : * cujus participatio ejus in idipsum.

Illuc enim ascenderunt tribus, tribus Domini : * testimonium Israel ad

confitendum nomini Domini.

Quia illic sederunt sedes in iudicio, * sedes super domum David.

Rogate quæ ad pacem sunt Jerusalem : * et abundantia diligentibus te :

Fiat pax in virtute tua : * et abundantia in turribus tuis.

Propter fratres meos, et proximos meos, * loquibar pacem de te :

Propter domum Domini Dei nostri, * quæsi vi bona tibi.

Añā. Nigra sum, sed formosa, filiae Jerusalem : ideo dilexit me Rex, et introduxit me in cubiculum suum.

Añā. Jam hiems transit, * imber abiit, et recessit : surge amica mea, et veni.

Psalmus cxxvj.

Nisi Dominus aedificaverit domum, * in vanum laboraverunt qui aedificant eam.

Nisi Dominus custodierit civitatem, * frustra vigilat qui custodit eam.

Vanum est vobis ante lucem surgere : * surgite postquam sederitis, qui manducatis panem doloris.

Cum dederit dilectis suis somnum : * ecce hereditas Domini filii : merces, fructus ventris.

Sicut sagittæ in manu potentis : * ita filii excusorum.

Beatus vir qui implevit desiderium suum ex ipsis : * non confundetur cum loquetur inimicis suis in porta.

Añā. Jam hiems transit, imber abiit, et recessit : surge amica mea, et veni.

Añā. Speciosa facta es * et suavís in deliciis tuis, sancta Dei Genitrix.

Psalmus cxxvij.

Lauda Jerusalem Dominum : * lauda Deum tuum Sion.

Quoniam confortavit seras portarum tuarum : * benedixit filiis tuis in te.

Qui posuit fines tuos pacem : * et adipe frumenti satiavit te.

Qui emittit eloquium suum terræ : * velociter currit sermo ejus.

Qui dat nivem sicut lanam : * nebulam sicut cinerem spargit,

Mittit crystallum suam sicut buccellas : * ante faciem frigoris ejus quis sustinebit?

Emittet verbum suum, et

liquefaciet ea : * flabit spiritus ejus, et fluent aquæ.

Qui annuntiat verbum suum Jacob : * justitias, et iudicia sua Israel.

Non fecit taliter omni nationi : * et iudicia sua non manifestavit eis.

Añā. Speciosa facta es et suavís in deliciis tuis, sancta Dei Genitrix.

Capitulum. Eccli. xxiv. b

AB initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.

Hymnus.

AVE maris stella, Dei Mater alma, Atque semper Virgo, Felix cæli porta.

Sumens illud Ave Gabriëlis ore,

Funda nos in pace, Mutans Hevæ nomen.

Solve vincla cæcis, Profer lumen cæcis,

Mala nostra pelle, Bona cuncta posce.

Monstra te esse matrem, Sumat per te preces,

Qui pro nobis natus, Tulit esse tuus.

Virgo singularis, Inter omnes mitis,

Nos culpæ solutos, Mites fac et castos.

Vitam præsta puram,
Iter para tutum,
Ut videntes Jesum,
Semper collatémur.
Sit laus Deo Patri,
Summo Christo decus,
Spirítui sancto,
Tribus honor unus. Amen.

V. Dignare me laudare te, Virgo sacrata. **R.** Da mihi virtutem contra hostes tuos.

Ad Magnif. Aña. Sancta Maria * succurre miseris, iuva pusillánimes, réfove flébiles, ora pro pópulo, intérveni pro clero, intercède pro devóto femíneo sexu: séntiant omnes tuum iuvámen, quicúmque celebrant tuam sanctam festivitátem.

Oratio.

Concède nos fámulos tuos, quæsumus Dómine Deus, perpétua mentis et córporis sanítate gaudére: et gloriósa beátæ Mariæ semper Vírginis intercessióne, a præsénti liberári tristítia, et æténa pérfrui lætítia. Per Dóminum.

Ad Completor. et Horas in fine Hymnor. dicitur.

Jesu, tibi sit glória,
Qui natus es de Vírgine,
Cum Patre, et almo Spirítu,
In sempitérna sæcula. Am.

AD MATUTINUM.

Invit. Sancta Maria Dei Génitrix Virgo, * Intercède pro nobis. **Ps.** Veníte. 2.

Hymnus.

Quem terra, pontus, sídera
Colunt, adórant, prædicant
Trinam regéntem máchinam,

Clastrum Mariæ bájulat.

Cui luna, sol, et ómnia
Desérviunt per témpora,
Perfúsa cœli grátia,
Gestant puéllæ víscera.

Beáta Mater múnere,
Cujus supérnus Artifex,
Mundum pugíllo cóntinens,
Ventris sub arca clausus est.

Beáta cœli núntio,
Fecúnda sancto Spirítu,
Desiderátus géntibus
Cujus per alvum fusus est.
Jesu, tibi sit glória,
Qui natus es de Vírgine,
Cum Patre, et almo Spirítu,
In sempitérna sæcula.

Amen.

In I. Nocturno.

Aña. Benedícta tu * in muliéribus, et benedíctus fructus ventris tui.

Psalmus viij.

Omine Dóminus noster, * quam admirábile est nomen tuum in univérsa terra!

Quóniam eleváta est magnificentia tua, * super cœlos.

Ex ore infántium et lacténtium perfecísti laudem propter inimicos tuos, * ut déstruas inimicum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas: insuper et pécora campi.

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Aña. Benedícta tu in muliéribus, et benedíctus fructus ventris tui.

Aña. Sicut myrrha * elécta odórem dedísti suavítatis sancta Dei Génitrix.

Psalmus xvij.

Cœli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti indicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thámo suo:

Exsultávit ut gigas ad curréndam viam, * a summo cœlo egressio ejus:

Et occúrsus ejus usque ad summum ejus: * nec est qui se abscondat a calore ejus.

Lex Dómini immaculáta convértens ánimas: * testimónium Dómini fidèle, sapiéntiam præstans párvulis.

Justítie Dómini rectæ, lætificántes corda: * præcéptum Dómini lícidum, illúminans óculos.

Timor Dómini sanctus, pérmanens in sæculum sæculi: * júdicia Dómini vera, justificáta in semetipsa.

Desiderabilia super aurum et lapidem pretiosum multum : * et dulciora super mel et favum.

Etenim servus tuus custodit ea, * in custodiendis illis retributio multa.

Delicta quis intelligit? ab occultis meis munda me : * et ab alienis parce servo tuo.

Si mei non fuerint dominati, tunc immaculatus ero : * et emundabor a delicto maximo.

Et erunt ut complacent eloquia oris mei : * et meditatio cordis mei in conspectu tuo semper.

Domine adiutor meus, * et redemptor meus.

Añā. Sicut myrrha electa odorem dedisti suavitatis sancta Dei Genitrix.

Añā. Ante torum * hujus Virginis frequentate nobis dulcia cantica dramaticis.

Psalmus cxxij.

Domini est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina preparavit eum.

Quis ascendet in montem Domini? * aut quis stabit in loco sancto ejus?

Innocens manibus, et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salutari suo.

Hæc est generatio querentium eum, * querentium faciem Dei Jacob.

Attollite portas principes vestras, et elevamini portæ æternales : * et introibit Rex gloriæ.

Quis est iste Rex gloriæ? * Dominus fortis et potens : Dominus potens in proelio.

Attollite portas principes vestras, et elevamini portæ æternales : * et introibit Rex gloriæ.

Quis est iste Rex gloriæ? * Dominus virtutum ipse est Rex gloriæ.

Añā. Ante torum hujus Virginis frequentate nobis dulcia cantica dramaticis.

V. Spécie tua et pulchritudine tua. **R.** Intende, prospere procede, et regna.

Pater noster. **Absolutio.** Exaudi. **V.** Jube domne. **Benedictio.** Benedictione perpetua.

De Parabolis Salomonis. **Lectio j. Cap. viij. b et ix.**



SGO sapientia habitato in consilio, et eruditus intersum cogitationibus. Timor Domini odit malum : arrogantiam, et superbiam, et viam pravam, et os lingue detestor. Meum est consilium, et æquitas, mea est prudentia, mea est fortitudo. Per me reges regnant, et legum conditores justa decernunt : Per me principes imperant, et potentes decernunt justitiam. Ego diligentes me diligo : et qui mane vigiliant ad me, invenient me.

R. Sancta et immaculata virginitas, quibus te laudibus efferam nescio : * Quia quem cœli capere non poterant, tuo gremio contulisti. **V.** Benedicta tu in mulieribus, et benedictus fructus ventris tui. — Quia.

Bened. Unigenitus Dei.

Lectio ij.

Mecum sunt divitiæ, et glória, opes superbæ, et justitia. Melior est enim fructus meus auro, et lapide pretioso, et gemina mea argento electo. In viis justitiæ ambulatio, in medio semitarum

judicii, ut ditem diligentes me, et thesauros eorum repleam. Dominus possedit me in initio viarum suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram : necdum fontes aquarum eruperant : necdum montes gravi mole constiterant : ante colles ego parturiebar.

R. Congratulamini mihi omnes, qui diligitis Dominum, quia cum essem parvula, placui Altissimo : * Et de meis visceribus genui Deum et hominem. **V.** Beatum me dicent omnes generationes, quia ancillam humilem respexit Deus. — Et de meis.

Bened. Spiritus sancti gratia.

Lectio iij.

Beatissimus homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino : qui autem in me peccaverit, lædet animam suam. Omnes, qui me oderunt, diligunt mortem. Sapientia edificavit

sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas ut vocarent ad arcem, et ad mœnia civitatis: Si quis est parvulus, veniat ad me. Et insipientibus locuta est: Venite, comedite panem meum, et bibite vinum quod miscui vobis.

R. Beata es Virgo Maria, quæ Dominum portasti Creatorem mundi: * Genuisti qui te fecit, et in ætænum permanes Virgo. **R.** Ave Maria, gratia plena, Dominus tecum. — Genuisti. **Gloria.** Genuisti.

In II. Nocturno.

Añã. Spécie tua * et pulchritudine tua, inténde, prospere procéde, et regna.

Psalmus psb.

R. Ructavit cor meum verbum bonum: * dico ego ópera mea Regi.

Lingua mea calamus scribæ, * velociter scribentis.

Speciosus forma præ filiis hóminum, diffusa est gratia in lábiis tuis: * propterea benedixit te Deus in ætænum.

Accingere gládio tuo super femur tuum, * potentissime,

Spécie tua et pulchritudine tua, * inténde, prospere procéde, et regna, Propter veritatem, et mansuetudinem, et justitiam: * et deducet te mirabiliter dextera tua.

Sagittæ tuæ acutæ, populi sub te cadent, * in corda inimicorum Regis.

Sedes tua Deus in sæculum sæculi: * virga directionis virga regni tui.

Dilexisti justitiam, et odisti iniquitatem: * propterea unxit te Deus tuus óleo lætitiæ præ consórtibus tuis.

Myrrha, et gutta, et casia a vestimentis tuis, a domibus ebúrneis: * ex quibus delectaverunt te filiæ regum in honore tuo.

Astitit regina a dextris tuis in vestitu deaurato: * circumdata varietate.

Audi filia, et vide, et inclina aurem tuam: * et obliviscere populum tuum, et domum patris tui.

Et concupiscet Rex decorem tuum: * quoniam ipse est Dominus Deus tuus, et adorabunt eum.

Et filiæ Tyri in munibus * vultum tuum depre-

cabuntur: omnes divites plebis.

Omnis glória ejus filia Regis ab intus, * in fibriis áureis circumamicta varietatibus.

Adducuntur Regi virgines post eam: * proximæ ejus afferentur tibi.

Afferentur in lætitia et exultatione: * adducuntur in templum Regis.

Pro patribus tuis nati sunt tibi filii: * constitues eos principes super omnem terram.

Mémores erunt nominis tui * in omni generatione et generationem.

Propterea populi confitebuntur tibi in ætænum: * et in sæculum sæculi.

Añã. Spécie tua et pulchritudine tua, inténde, prospere procéde, et regna.

Añã. Adjuvabit eam * Deus vultu suo: Deus in medio ejus, non commovebitur.

Psalmus psb.

Deus noster refugium, et virtus: * adjutor in tribulationibus, quæ invenerunt nos nimis.

Propterea non timebimus et transferentur montes in cor maris.

Sonuerunt, et turbatae sunt aquae eorum: * conturbati sunt montes in fortitudine ejus.

Fluminis impetus lætificat civitatem Dei: * sanctificavit tabernaculum suum Altissimus.

Deus in medio ejus, non commovebitur: * adjuvabit eam Deus mane diluculo.

Conturbatae sunt Gentes, et inclinata sunt regna: * dedit vocem suam, mota est terra.

Dominus virtutum nobiscum: * susceptor noster Deus Jacob.

Venite, et videte ópera Domini, quæ posuit prodigia super terram: * auferens bella usque ad finem terræ.

Arcum conteret, et confringet arma: * et scuta comburet igni.

Vacate, et videte quoniam ego sum Deus: * exaltabor in Gêntibus, et exaltabor in terra.

Dominus virtutum nobiscum: * susceptor noster Deus Jacob.

Añã. Adjuvabit eam Deus vultu suo: Deus in medio ejus, non commovebitur.

Añã. Sicut lætantium *

omnium nostrum habitatio est in te, sancta Dei Génitrix.

Psalmus lxxvi.

Fundamenta ejus in montibus sanctis : * diligit Dominus portas Sion super omnia tabernacula Jacob.

Gloriosa dicta sunt de te, * civitas Dei.

Memor ero Rahab, et Babylonis * scientium me.

Ecce alienigenae, et Tyrus, et populus Aethiopicum, * hi fuerunt illic.

Numquid Sion dicet : Homo, et homo natus est in ea : * et ipse fundavit eam Altissimus?

Dominus narrabit in scripturis populorum, et principum : * horum, qui fuerunt in ea.

Sicut letantium omnium * habitatio est in te.

Añā. Sicut letantium omnium nostrum habitatio est in te, sancta Dei Génitrix.

℣. Adjuvabit eam Deus vultu suo. *℟.* Deus in medio ejus, non commovebitur.

Pater noster. *Absolutio.* Ipsius pietas. *℣.* Jube domine. *Benedictio.* Deus Pater omnipotens.

Sermo sancti Joannis Chrysostomi.

Lectio ib. Apud Metaph.

DEI Filius non divitem, aut locupletem aliquam feminam sibi matrem elegerit, sed beatam Virginem illam, cujus anima virtutibus ornata erat. Cum enim beata Maria supra omnem humanam naturam castitatem servaret, propterea Christum Dominum in ventre concepit. Ad hanc igitur sanctissimam Virginem et Dei Matrem accurrentes, ejus patrocinii utilitatem assequamur. Itaque quaecumque estis virgines, ad Matrem Domini confugite. Illa enim pulcherrimam, pretiosissimam, et incorruptibilem possessionem patrocinio suo vobis conservabit.

℟. Sicut cedrus exaltata sum in Libano, et sicut cypressus in monte Sion : quasi myrrha electa, * Dedi suavitatem odoris.

℣. Et sicut cinnamomum et balsamum aromatizans. — Dedi.

Bened. Christus perpetuae.

Lectio v.

Magnam revera miraculum, fratres dilectissimi, fuit beata semper

Virgo Maria. Quid namque illa majus aut illustrius ullo unquam tempore inventum est, seu aliquando inveniri poterit? Haec sola caelum ac terram amplitudine superavit. Quidnam illa sanctius? Non Prophetae, non Apostoli, non Martyres, non Patriarchae, non Angeli, non Throni, non Dominationes, non Seraphim, non Cherubim, non denique aliud quidpiam inter creatas res visibiles aut invisibiles, majus aut excellentius inveniri potest. Eadem ancilla Dei est et mater : eadem virgo et genitrix.

℟. Quae est ista quae processit sicut sol, et formosa tamquam Jerusalem? * Viderunt eam filiae Sion, et beatam dixerunt, et reginae laudaverunt eam.

℣. Et sicut dies verni circumdabant eam flores rosarum, et lilia convallium. — Viderunt.

Bened. Ignem sui amoris.

Lectio vi.

HAEC ejus mater est, qui a Patre ante omne principium genitus fuit, quem Angeli et homines agnoscunt Dominum re-

rum omnium. Visne cognoscere quanto Virgo haec praestantior sit caelestibus Potentibus? Illae cum timore et tremore assistunt, faciem velantes suam : haec humanum genus illi offert, quem genuit. Per hanc et peccatorum veniam consequimur. Ave igitur mater, caelum, puella, virgo, thronus, Ecclesiae nostrae decus, gloria et firmamentum, assidue pro nobis precare Jesum Filium tuum et Dominum nostrum : ut per te misericordiam invenire in die iudicii, et quae reposta sunt iis qui diligunt Deum, bona consequi possimus, gratia et benignitate Domini nostri Jesu Christi : cum quo Patri simul et sancto Spiritui gloria, et honor, et imperium, nunc et semper in saecula saeculorum. Amen.

℟. Ornatae monilibus filiam Jerusalem Dominus concupivit : * Et videntes eam filiae Sion, beatissimam praedicaverunt, dicentes : * Unguentum effusum nomen tuum. *℣.* Astitit regina a dextris tuis in vestitu deaurato, circumdata varie-

tate. — Et Glória Patri.
Unguentum.

In III. Nocturno.

Añã. Gaude María Virgo, * cunctas hæreses sola interemisti in univérso mundo.

Psalmus reb.

Cantáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus, * in omnibus pópulis mirabilia ejus.

Quóniam magnus Dóminus, et laudábilis nimis: * terribilis est super omnes deos.

Quóniam omnes dii Géntium dæmónia: * Dóminus autem celos fecit.

Conféssio, et pulchritúdo in conspéctu ejus: * sanctimónia et magnificentia in sanctificatióne ejus.

Afférte Dómino pátriæ Géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte

Dóminum in átrio sancto ejus.

Commoveátur a fácie ejus univérsa terra: * dicite in Géntibus quia Dóminus regnávít.

Etenim corréxit orbem terræ qui non commovebitur: * judicábit pópulos in æquitáte.

Læténtur cœli, et exsúltet terra, commoveátur mare, et plenitúdo ejus: * gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritate sua.

Añã. Gaude María Virgo, cunctas hæreses sola interemisti in univérso mundo.

Añã. Dignáre me * laudáre te, Virgo sacráta: da mihi virtútem contra hostes tuos.

Psalmus rebj.

Dominus regnávít, exsúltet terra: * læténtur insulæ multæ.

Nubes, et caligo in circúitu ejus: * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ: * vidit, et commóta est terra.

Montes, sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adorant sculptília: * et qui gloriántur in simulácris suis.

Adoráte eum omnes Angeli ejus: * audívit, et lætáta est Sion.

Et exsultavérunt filíæ Judæ, * propter judícia tua Dómine:

Quóniam tu Dóminus altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámmini justí in Dómino: * et confitémini memóriæ sanctificatiónis ejus.

Añã. Dignáre me laudáre te, Virgo sacráta: da mihi virtútem contra hostes tuos.

Añã. Post partum * Virgo invioláta permansisti, Dei Génitrix intercède pro nobis.

Psalmus rebj.

Cantáte Dómino cánticum novum: * quia mirabilia fecit.

Salvávít sibi dextera ejus: * et bráchium sanctum ejus.

Notum fecit Dóminus salutáre suum: * in conspéctu Géntium revelávít justítiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutáre Dei nostri.

Jubiláte Deo omnis terra: * cantáte, et exsultáte, et psállite.

Psállite Dómino in cíthara, in cíthara et voce psalmi: * in tubis ductílibus, et voce tubæ córneæ.

Jubiláte in conspéctu Regis Dómini: * moveátur mare, et plenitúdo ejus: orbis terrárum, et qui hábitant in eo.

Flúmina plaudent manu,

simul montes exsultabunt a conspectu Domini : * quoniam venit iudicare terram.

Judicabit orbem terrarum in iustitia, * et populos in æquitate.

Añã. Post partum Virgo inviolata permansisti, Dei Genitrix intercede pro nobis.

℣. Elégit eam Deus, et prælégit eam. **℟.** In tabernaculo suo habitare facit eam.

Pater noster.

Absolutio. A vinculis. **℣.** Jube domne benedicere. **Benedictio.** Evangelica lectio.

Lectio sancti Evangelii secundum Lucam.

Tertio vij. **Cap. xj. d**

IN illo tempore : Loquente Jesu ad turbas, extollens vocem quædam mulier de turba, dixit illi : Beatus venter, qui te portavit. Et reliqua.

Homilia venerabilis Bedæ Presbyteri.

Lib. 4. cap. xlix. in Luc. xj.



Agnæ devotiónis et fidei hæc mulier osténditur, quæ Scribis et Pharisæis Dóminum tentántibus, simul

et blasphemántibus, tanta ejus incarnatióem præ ómnibus sinceritate cognóscit, tanta fiducia confitétur, ut et præsentium prócerum calúnniam, et futurórum confúndat hæreticórum perfídiam. Nam sicut tunc Judæi, sancti Spíritus ópera blasphemándo, verum consubstantialémque Patri Dei Filium negábant : sic hæretici póstea negándo, Mariam semper Virginem, sancti Spíritus operánte virtúte, nascituro cum humanis membris Unigénito Dei, carnis suæ matériam ministrásse, verum consubstantialémque matri filium hóminis fatéri non debére dixerunt.

℟. Felix namque es sacra Virgo María, et omni laude digníssima : * Quia ex te ortus est sol iustitiæ, Christus Deus noster.

℣. Ora pro pópulo, interveni pro clero, intercede pro devóto femineo sexu : séntiant omnes tuum juvámén, quicumque celebrant tuam sanctam Festivitatém. — Quia ex te ortus.

Bened. Cujus festum cólimus, ipsa Virgo vírginum.

Tertio viij.

SED si caro Verbi Dei secundum carnem nascéntis a carne Virginis matris pronuntiátur extránea, sine causa venter qui eam portásset, úbera quæ lactásset, beatificántur. Dicit autem Apóstolus : Quia misit Deus Filium suum factum ex muliere, factum sub lege. Neque audiéndi sunt, qui legéndum putant : Natum ex muliere, factum sub lege, sed, Factum ex muliere : quia concéptus ex útero virgináli, carnem non de nihilo, non aliunde, sed matérna traxit ex carne : alióquin nec vere filius hóminis dicerétur, qui originem non habéret ex hómine. Et nos igitur his contra Eutychem dictis, extollámus vocem cum Ecclésia cathólica, cujus hæc mulier typum gessit, extollámus et mentem de médio turbárum, dicámusque Salvatóri : Beátus venter qui te portávit, et úbera quæ suxisti. Vere enim beáta parens, quæ, sicut quidam ait, Enixa est puérpera Regem, Qui cœlum terrámque tenet per sæcula. **℟.** Beátam me dicent

omnes generatiónes :

* Quia fecit mihi Dóminus magna qui potens est, et sanctum nomen ejus. **℣.** Et misericórdia ejus a progénie in progénies tímentibus eum. — Quia. **Glória Patri.** Quia.

Bened. Ad societátem.

Tertio ix.

QUÍNIMO beáti qui audiunt verbum Dei, et custódiunt. Pulchre Salvátor attestatióni mulieris ánnuit, non eam tantúmmodo quæ Verbum Dei corporáliter generare merúerat, sed et omnes qui idem Verbum spiritaliter auditu fidei concípere, et boni óperis custódia vel in suo, vel in proximórum corde párrere, et quasi álere studúerint, assevérans esse beátos : quia et eadem Dei Genitrix, et inde quidem beáta, quia Verbi incarnánda ministra facta est temporális ; sed inde multo beátior, quia ejúdem semper amándi custos manébat ætérna.

Te Deum laudámus. 19.

AD LAUDES,

et per Horas, Añæ.

1. Dum esset Rex * in accúbitu suo, nardus mea dedit odórem suavitátis.